

Ta chê sere dal grant aiaron, ta chê lamie domenie, visât di un amì o soi lâs sul cjast e dal barcon le ai viodude: une lûs di colôr narançon e passave tal cîl di soreli a mont fin a soreli jevât.

E jere la Stazion Spaziâl Internazionâl.

O volevi saludâ chei oms e chês feminis. Lôr, libars, par aiar. Sierâts come nô ma almancul a vevin lis stelis di cjalâ e sot di lôr la Tiere. E no vevin l'impest. E jo cemût mi sintivio? Presonîr e in colpe se o metevi il nâs fûr. Sierât come intune fuartece. Difûr chel aiaron che mi dave la sensazion di impotence, di decjadince. Une lûs narançon e je bastade... pôcs seconts di passaç a àn colorât par chel pôc timp chê grise domenie.



CovidCurte day 20 - Conte nr. 12

#972